

KDYMM PEMANGKU RAJA PAHANG BERKENAN ZIARAH MANGSA BANJIR DI 24 PPS DI RAUB

RAUB, 04 JANUARI 2021: Kebawah Duli Yang Maha Mulia Pemangku Raja Pahang Tengku Mahkota Tengku Hassanal Ibrahim Alam Shah Ibni Al-Sultan Abdullah Ri'ayatuddin Al-Mustafa Billah Shah hari ini berkenan menziarahi mangsa banjir di 24 Pusat Pemindahan Sementara (PPS) di daerah ini.

Dalam ziarah tersebut KDYMM Tuanku diiringi oleh Menteri Besar Pahang, YAB. Dato' Sri Haji Wan Rosdy Wan Ismail; YB. Setiausaha Kerajaan Pahang, Dato' Sri Dr. Sallehuddin Ishak; Pengerusi Jawatankuasa Pembangunan Luar Bandar Dan Hal Ehwal Orang Asli Negeri Pahang yang juga Ahli Dewan Negeri Batu Talam, YB. Dato' Abd Aziz Mat Kiram; Ahli Dewan Negeri Dong, YB. Dato' Sri Shahiruddin Ab Moin; Ketua Pegawai Eksekutif Majlis Ugama Islam dan Adat Resam Melayu Pahang (MUIP), YH. Dato' Ahmad Hairi Hussain dan Pegawai Daerah Raub, YH. Dato' Mohammad Shahid Ismail.

Antara PPS yang diziarahi KDYMM Tuanku ialah Surau Al-Hidayah Kg. Melayu Sempalit, Dewan Serbaguna Gali Hilir, Balai Raya Kg. Sg. Pasu, Balai Raya Kg. Durian Sebatang, SK Muhammad Jabar, Masjid Kuala Temau, Dewan Kg. Pia, Balai Raya Kg. Jeruas, Dewan Org Ramai Kg. Tersang, SK Kuala Dong, Dewan Perumahan Lechar, Balai Raya Lechar, Balai Raya Kg. Bkt. Pampong, Balai Raya Kuala Keloi, Balai Raya Kg. Pamah Kulat, Balai Raya Kg. Pamah Rawas, Surau Peruas, Dewan Ulu Gali, Dewan Tok Machang dan Masjid Kg. Pintu Padang.

Dalam ziarah selama lima jam yang bermula pada jam 11.30 pagi itu, baginda Tuanku berkenan bertanya khabar, meninjau kawasan yang dinaiki air serta turut mengurniakan sumbangan peribadi dan juga sumbangan MUIP kepada mangsa banjir.

KDYMM Tuanku juga turut menitahkan nasihat agar rakyat sentiasa mematuhi SOP Norma Baharu yang telah ditetapkan walaupun dalam keadaan musibah.

Baginda Tuanku juga meminta mereka yang dilanda musibah banjir ini supaya banyakkann bersabar serta berdoa agar musibah ini berakhir segera. - **PAHANGMEDIA**

Disediakan oleh Unit Komunikasi dan Media Pahang (UKOMP)

**#MajuTerusPahang
#Pahang1st
#KerajaanNegeriPahang
#UKOMP**

Foto: Pejabat YAB Menteri Besar Pahang & MUIP

(LIPUTAN BERGAMBAR)





